



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2522/11
Sarajevo, 24.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-02-2012			
Organizaciona jedinica	Klasifikacijska oznaka	Redni broj	Broj priloga

05-50-6-16-7/M

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavio Staša Košarac, izaslanik u Domu naroda Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša





BOSNA I HERCEGOVINA
VIJEĆE MINISTARA

Broj: 05-50-1-2522/11
Sarajevo, 23.2.2012. godine

Staša Košarac, delegat u Domu naroda Parlamentarne skupštine Bosne i Hercegovine, na 7. sjednici Doma naroda, održanoj 01.12.2011. godine, postavio je slijedeće delegatsko pitanje:

„Prilikom komunikacije sa građanima, nevladinim organizacijama različitog karaktera, u više navrata sam informisan da se na neuniverzalan način, nejednako prema svim licima (osuđenim) primjenjuju pozitivni zakonski propisi na nivou BiH, a odnose se na pogodnosti definisane zakonom. Riječ je o osuđenim licima srpske nacionalnosti na osnovu krivičnog djela ratnog zločina.

Molim vas da napravite analizu i da u pisanom obliku dostavite precizan odgovor“

Na postavljeno delegatsko pitanje, Savjet ministara Bosne i Hercegovine, na 2. sjednici održanoj 23.2.2012. godine, utvrdio je slijedeći:

ODGOVOR

U Bosni Hercegovini ne postoji kazneno-popravna ustanova koja bi bila pod punom nadležnošću Ministarstva pravde Bosne i Hercegovine, već se kazna zatvora, koju izrekne Sud Bosne i Hercegovine, u skladu sa odredbom člana 226. Zakona Bosne i Hercegovine o izvršenju krivičnih sankcija, pritvora i drugih mjera – prečišćeni tekst („Službeni glasnik BiH“, broj 12/10 – u daljem tekstu: ZIKS BiH), izvršava u entitetskim kazneno-popravnim ustanovama, a u skladu sa odredbama člana 1. stav (6) ZIKS BiH („sankcije izrečene od strane Suda Bosne i Hercegovine izvršavat će se prema odredbama ovog zakona čak i kada se služe u entitetskom zavodu“) i na temelju njega donesenim provedbenim propisima. Za funkcionisanje tih ustanova i izvršenje kazne zatvora u njima, odgovorna su entitetska ministarstva pravde. Ministarstvo pravde Bosne i Hercegovine ima punu nadležnost samo prema Pritvorskoj jedinici zavoda za izvršenje krivičnih sankcija na državnom nivou.

Na dan 03.11.2011. godine ukupno su 72 osobe izdržavale kaznu zatvora na osnovu presude Suda Bosne i Hercegovine, a zbog počinjenog krivičnog djela iz čl. od 172. do 179. KZ-a BiH (krivična djela protiv čovječnosti i vrijednosti zaštićenih međunarodnim pravom). Od toga 52 osobe izdržavaju kaznu zatvora u kazneno-popravnim zavodima na području Republike Srpske, a 20 u kazneno-popravnim zavodima na području Federacije Bosne i Hercegovine.

Odredbom člana 52. stav (3) ZIKS BiH propisano je da u postupanju sa osuđenim i pritvorenim osobama ne smije biti diskriminacije zasnovane na etničkoj pripadnosti, rasi, boji kože, spolu, seksualnom opredjeljenju, jeziku, religiji ili vjerovanju, političkim ili drugim uvjerenjima, nacionalnom ili socijalnom porijeklu, srodstvu, ekonomskom ili nekom drugom statusu.

U duhu ove odredbe koncipirane su sve odredbe ZIKS BiH i provedbenih propisa koje tretiraju postupanje prema osuđenim i pritvorenim osobama. Na takav način propisani su limiti i način odobravanja osuđeničkih pogodnosti u čl. od 149. do 159. ZIKS BiH i u Pravilniku o pogodnostima i godišnjem odmoru zatvorenika koji izdržavaju kaznu zatvora u zavodu za izvršenje krivičnih sankcija i drugih mjera Bosne i Hercegovine – Prečišćeni tekst („Službeni glasnik BiH“, broj 69/09 – u daljem tekstu: Pravilnik).

Bitno je napomenuti da osuđeničke pogodnosti nisu pravo osuđene osobe, već je to samo mogućnost, o čemu odluku donosi direktor zavoda, a u skladu sa propisanim kriterijima. Kako je definisano u članu 2. Pravilnika „pogodnosti su skup poticajnih mjera usmjerenih na pružanje povjerenja zatvoreniku, ublažavanje posljedica deprivacija, poticanje vlastitog učešća u ostvarivanju programa tretmana, jačanje odgovornosti i samopouzdanja radi osposobljavanja zatvorenika za samostalan život u skladu s pravnim poretkom i normama građanskog društva.“

U članu 4. Pravilnika propisani su kriteriji za odobravanje pogodnosti i oni su jedinstveni sa sve osuđene osobe, bez bilo kakave diskriminacije. Tim odredbama propisano je da osuđene osobe, koje izdržavaju kaznu zatvora zbog učinjenog krivičnog djela „ratnog zločina“, alkoholičari, narkomani, višestruki povratnici, kao i osobe koje su osuđene na kaznu zatvora preko 10 godina bez obzira na vrstu krivičnog djela, vanzavodsku pogodnost mogu koristiti tek kad izdrže tri petine izrečene kazne zatvora. To je samo propisani donji limit, a da li će i kada osuđenik, nakon što izdrži tri petine izrečene kazne zatvora, koristiti vanzavodsku pogodnost, zavisi od procjene uprave zavoda o efektima realizacije tretmana i procjene rizika. Trenutno veoma mali broj osoba, koje izdržavaju kaznu zatvora na osnovu presude Suda Bosne i Hercegovine, a počinili su krivično djelo ratnog zločina, koristi vanzavodske pogodnosti. Razlog tome su visoke izrečene kazne zatvora i neispunjavanje propisanih formalnih uvjeta.

U skladu sa odredbama člana 46. i 49. ZIKS BiH, Ministarstvo pravde, preko ovlaštenih službenika – inspektora, vrši kontrolu načina odobravanja pogodnosti osuđenim osobama. Dosadašnjom kontrolom kazneno-popravnih zavoda nisu evidentirani slučajevi diskriminacije osuđenih osoba, po bilo kom osnovu, u postupku odobravanja osuđeničkih pogodnosti. U slučaju kada bi se ustanovilo eventualno kršenje propisanih kriterija, direktoru zavoda bile bi naređene mjere za otklanjanje uočenih nepravilnosti, a u cilju zakonitog postupanja prema osuđenim osobama.